

Faaaliga

Aso: 17 Novema, 2019

Mo: Au Pulega Aoao; Taitai Aoao; Fitugafulu Eria; ma [taitai] nei i iunite o gagana ua filifilia: Peresitene o Siteki, Misiona, ma Itu; Epikopo ma Peresitene o Paranesi; Sui o Aufono a Uarota ma Siteki; Matua o Tamaiti ma le Autalavou

Mai le: Matagaluega o le Perisitua ma Aiga (1-801-240-2134)

Mataupu: Tamaiti ma le Autalavou—Vaaiga Aoao ma Fesili e Fesiligia Soo

O LE EKALEsia A
IESU KERISO
O LE AU PAIA O ASO
E GATA AI

I se faasalalauga o le Talanoaga Faafesagai i le aso 17 o Novema, 2019, sa faasoa mai ai e Elder Gerrit W. Gong ma Taitai Aoao ni faamatalaga faaopoopo e uiga i se taumafaiga fou ua faaautuina Tamaiti ma le Autalavou o Le Ekalesia a Iesu Keriso o le Au Paia o Aso e Gata Ai. O lenei taumafaiga ua suia ai gaoioiga uma o loo i ai ma polokalama o le ausiaga. E taulai atu i le fesoasoani i tamaiti taitoatasi ma le autalavou e mulimuli i le faataitaiga a le Faaola. O faamatalaga o loo faasoa atu i le faasalalauga o le Talanoaga Faafesagai o loo auiliili atu i lenei faaaliga.

O tamaiti ma le autalavou (o i latou e atoa le 8–18 i le 2020), ua lagolagoina e o latou matua ma taitai, o le a faatinoina le taumafaiga mo Tamaiti ma le Autalavou e faatotonugalemu i le aiga ma lagolagoina e le Ekalesia i le aso 1 o Ianuari, 2020, i iunite ia o loo tautatala ai i gagana nei: ASL, Kenitonia, Sepuano, Igilisi, Farani, Siamani, Hiligaynon, Ilokano, Italia, Iapani, Korea, Meniterini, Potukale, Rusia, Samoa, Sipaniolo, Takaloka, ma Toga.

Na faasilasila mai i le Talanoaga Faafesagai se pese fou mo tamaiti, o loo maua i le childrenandyouth.ChurchofJesusChrist.org. Sa faasilasila mai ai foi e le gaoioiga se pese fou ma se vitio o loo faalauiloa mai ai le autu a le autalavou i le 2020. Ua maua nei ia punaoa ma isi punaoa o le autu a le autalavou i le faaPeretania ma isi gagana faaopoopo i le youth.ChurchofJesusChrist.org.

Tamaiti ma le Autalavou—Vaaiga Aoa ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

O LE EKALESIDIA A
IESU KERISO
O LE AU PAIA O ASO
E GATA AI

O le [polokalama a] Tamaiti ma le Autalavou o Le Ekalesia a Iesu Keriso o le Au Paia o Aso e Gata Ai o se taumafaiga fou e fesoasoani i le tupulaga faia'e ina ia faamalosia lo latou faatuatua ia Iesu Keriso ma alualu i luma i le ala o feagaiga a o latou fetaia'i ma luitau o le olaga. E taulai atu i le fesoasoani i tamaiti taitoatasi ma le autalavou e mulimuli i le faataitaiga a le Faaola ma tuputupu a'e i se auala paleni faaleagaga, faaleagafesootai, faaletino, ma faaleatamai (tagai i le Luka 2:52).

E amata atu i le aso 1 o Ianuari, 2020, o le a suia e le Tamaiti ma le Autalavou ia gaoioiga uma o loo i ai ma polokalama o ausiaga. O i latou e manana'o e faama'ea le Tiute i le Atua, ma le Alualu i Luma o le Tagata Lava Ia e tataua ona maea tulaga e manaomia a o le'i oo i le aso 1 o Ianuari, 2020. Afai e manaomia e tamaiti po o le autalavou se taimi faaopoopo, o le a mafai ona maua ia tau seia oo i le aso 1 o Mati, 2020. Ua suia foi e Tamaiti ma le Autalavou le Sikauti i le aso 1 o Ianuari, 2020, i nofoaga e lagolagoina ai e le Ekalesia iunite o le Sikauti.

O le taumafaiga fou a Tamaiti ma le Autalavou o loo aofia ai vaega e tolu e taulai ai:

- Aoaoina o le talalelei
- Auaunaga ma gaoioiga
- Atinaega faaletagata lava ia

E lua ituaiga o faatusa o loo aofia ai i lenei taumafaiga: o faatusa o le auai, lea o le a maua e tamaiti ma autalavou uma i le tausaga e atoa ai lona 8, 12, ma le 18 tausaga; ma faatusa o ausiaga, lea e maua e le autalavou e ala i le tauivi e mulimuli i le Faaola e ala i le ausiaina o faamoemoega autu faapitoa (tagai i le “Ausiaga” i le faaiuga o lenei pepa o faamatalaga).

O lenei taumafaiga o loo faatotonugalemu i le aiga ma lagolagoina e le Ekalesia. E fuafua e aiga pe faapefea ona sili atu ona apalai nei vaega o le taulaiga i le aiga.

Vaaiga Aoa mo Tamaiti

E amata atu ia Ianuari o le tausaga e atoa ai lo latou valu tausaga, e valaaulia tamaiti e auai i le [polokalama a] Tamaiti ma le Autalavou o Le Ekalesia a Iesu Keriso o le Au Paia o Aso e Gata Ai. O foliga ia o mea o le a i ai mo i latou.



I le amataga o tausaga taitasi, e mafai e le epikopo ona asiasi atu i le vasega Peraimeri a fanau o le a atoa le valu tausaga ma faafeiloai i latou i le [polokalama a] Tamaiti ma le Autalavou. I le taimi o le talanoaga, na te tuuina atu i tamaiti taitasi ni faatusa se lua: o se mama ma se ata o le malumalu. E maua foi e tamaiti taitasi se kopi o le [*Atinaega Faaletagata Lava Ia: Tusitaiala a Tamaiti*](#). O matua ma sui o le au peresitene o le Peraimeri e mafai ona auai i lenei asiasiga.

O se vaega o Tamaiti ma le Autalavou, o le a auai ai tamaiti i mea nei:

Tamaiti ma le Autalavou—Vaaiga Aoao ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

Aoaoina o le Talalelei

I le aiga, e suesue ai e tamaiti tusitusiga paia na o i latou ma faatasi ma o latou aiga. O le [*Sau, Mulimuli Mai ia te A'u—Mo Tagata Taitoatasi ma Aiga*](#) ua uma ona saunia e fesoasoani i lea suesuega. I le lotu, e fausia tamaiti i luga o mea na latou aoaoina i le aiga a o latou suesueina tusitusiga paia faatasi ma o latou vasega o le Peraimeri. O anomea o lesona o loo maua i le [*Sau, Mulimuli Mai ia te A'u—Mo le Peraimeri*](#).

Auaunaga ma Gaoioiga

E auai tamaiti i auunaga ma gaoioiga faatasi ma o latou aiga. E faaopoopo atu i ai, o tamaiti (e amata i le tausaga e atoa ai lo latou 8 tausaga) e feiloai so'o mo gaoioiga a le Peraimeri. E masani lava, e faatulagaina tamaiti i vaitausaga, ma e feiloai eseese tama ma teine—e ui e mafai ona latou tuu faatasi mo gaoioiga faapitoa po o i nofoaga e toallaiti tamaiti. E masani lava e faa-lua i le faa-fa i le masina ona faia gaoioiga a le Peraimeri. Afai o le mamao ma le tau, taimi faatapulaaaina, saogalemu, ma isi tulaga e faalavelave ai i lenei faatulagaga, e mafai ona faaitiitia le faia o gaoioiga a le Peraimeri. I le galulue ai ma le au epikopo, e fautuaina atu e le au peresitene o le Peraimeri ni tagata e valaauina o ni taitai gaoioiga a le Peraimeri. O nei taitai e mafai ona avea ma faiaoga o le Peraimeri po o isi tagata o le uarota po o le paranesi. Ia le itiiti ifo ma le toallua ni taitai e auai i gaoioiga taitasi. O ni tamaitai e toallua, alii e toallua, po o se ulugalii ua faaipoipoina e mafai ona avea ma taitai. E faama'ea e taitai le aoaoga i le protectingchildren.ChurchofJesusChrist.org.

E fuafua e taitai o gaoioiga auunaga ma gaoioiga lea e malie ma punoua'i ma e fausia ai molimau, faamallosia aiga, ma faafailele le tuputupu a'e faaletagata lava ia. O gaoioiga e tataua ona faapaleni i vaega e fa o le tuputupu a'e: faaleagaga, faaleagafesootai, faaletino, ma faaleatamai.

O toalluapiga o le po atoa e le faia mo tamaiti. Ae peitai, e mafai ona filifili taitai o le lotoifale e fai ni toalluapiga i le ao mo tamaiti Peraimeri e auai i le Tamaiti ma le Autalavou.

O manatu mo auunaga ma gaoioiga mo le aiga ma le lotu o loo maua i le childrenandyouth.ChurchofJesusChrist.org ma, e amata atu i le 2020, i luga o le polokalama Gospel Living.

Atinaega Faaletagata Lava Ia

E seti e tamaiti ia sini ina ia tuputupu a'e i le faaleagaga, faaleagafesootai, faaletino, ma faaleatamai. E fesoasoani matua ma, pe a manaomia ai, o taitai i tamaiti ina ia iloa, fuafua, faatino, ma tomanatu i a latou sini filifilia faaletagata lava ia. Ona iloa lea e tamaiti ma toe seti ni [sini] fou. E mafai e tamaiti ona galulue i le tele o sini latou te mananao ai, ae e fautuaina i latou e galulue i le itiiti ifo ma le tasi le sini i vaega taitasi i tausaga taitasi. O tamaiti, i le lagolagoina e matua, atonu e filifili e faaoga le [*Atinaega Faaletagata Lava Ia: Tusitaiala a Tamaiti*](#) e seti ma faamaumau ai ia sini.

O manatu mo sini o loo maua i totonu o le tusitaiala i le childrenandyouth.ChurchofJesusChrist.org, ma, e amata atu i le 2020, i luga o le polokalama o le Gospel Living.

Vaaiga Aoao mo le Autalavou

E amata atu ia Ianuari o le tausaga e atoa ai lo latou 12, o le a siitia atu le autalavou i le korama a le Perisitua Arona ma vasega o Tamaitai Talavou. O foliga ia o le a i ai le [polokalama a] Tamaiti ma le Autalavou mo i latou.



O le a maua e alii talavou se mama mai i lo latou au peresitene o le korama. O le a maua e tamaitai talavou se asoa a tamaitai talavou [medallion] mai i lo latou au peresitene o le vasega. E faaopoopo i ai, i le taimi o le faatalanoaga, o le a tuu atu ai e le epikopo i autalavou taitasi se tagai taga mo se pepa faataga o le malumalu. E maua foi e autalavou taitasi se kopi o le [*Atinaega Faaletagata Lava Ia: Tusitaiala a le Autalavou.*](#)

O se vaega o le [polokalama a] Tamaiti ma le Autalavou, o le a auai le autalavou i mea nei:

Aoaoina o le Talalelei

I le aiga, e susesueina e le autalavou tusitusiga paia na o i latou ma faatasi ma o latou aiga. O le [*Sau, Mulimuli Mai ia te A'u—Mo Tagata Taitoatasi ma Aiga*](#) ua uma ona saunia e fesoasoani i lea susesuega. I le ekalesia, e fausia le autalavou i luga o mea na latou aoaoina i le aiga ma i le seminare a o latou susesue faatasi ma lo latou vasega o le Aoga Sa ma korama o le Perisitua Arona po o le vasega a Tamaitai Talavou. O anomea o lesona o loo maua i le [*Sau Mulimuli Mai ia te A'u—Mo le Aoga Sa*](#) ma le [*Sau Mulimuli Mai ia te A'u—Mo Korama o le Perisitua Arona ma Vasega a Tamaitai Talavou.*](#)

Auaunaga ma Gaoioiga

E auai le autalavou i auunaga ma gaoioiga faatasi ma o latou aiga. E faaopoopo i ai, e feiloai so'o foi le autalavou (e masani lava e faalevaiaso) mo gaoioiga a Tamaitai Talavou, gaoioiga a le korama o le Perisitua Arona, ma gaoioiga a le autalavou (pe a tuufaatasi). Afai o le mamao ma le tau, taimi faatapulaaaina, saogalemu, ma isi tulaga e faalavelave ai i lenei faatulagaga, e mafai ona faaitiitia lo latou feiloai so'o ae e tatau ona feiloai tai masina. Mo nisi faamatalaga, tagai i le “Tusitaiala o Auaunaga ma Gaoioiga mo le Autalavou” i le AaronicPriesthoodQuorums.ChurchofJesusChrist.org ma le YoungWomen.ChurchofJesusChrist.org.

E valaauina se faufautua ma, pe a manaomia, o ni tagata tomai faapitoa mo korama ma vasega e faaopoopo i sui o le au epikopo ma le au peresitene o Tamaitai Talavou ina ia le itiiti ifo ma le toalu ni taitai matutua e i ai i gaoioiga taitasi. E faama'ea e taitai matutua le aoaoga i le protectingchildren.ChurchofJesusChrist.org.

O au peresitene o korama ma vasega, faatasi ai ma le fesoasoani a o latou taitai matutua, e fuafuaina ma faatinoina auunaga ma gaoioiga e malie ma punoua'i ma e fausia ai molimau, faamalosia ai aiga, ma faafailele ai le tuputupu a'e faaletagata lava ia. O gaoioiga e tatau ona faapaleni i vaega e fa o le tuputupu a'e: faaleagaga, faaleagafesootai, faaletino, ma faaleatamai.

E faaopoopo i gaoioiga fai so'o a le autalavou, e mafai foi ona auai le autalavou i:

- Konafesi Mo le Malosi o le Autalavou (MMA) (tagai i le fsy.ChurchofJesusChrist.org).
- Konafesi a le autalavou po o savaliga sopo i tausaga e le faia ai se konafesi MMA.
- Tolauapiga Faaletausaga a Tamaitai Talavou ma tolauapiga a korama a le Perisitua Arona.
- Tolauapiga faaopoopo i le po atoa ma gaoioiga, i nofoaga e mafai ai.

Tamaiti ma le Autalavou—Vaaiga Aoao ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

Mo nisi faamatalaga, tagai i le AaronicPriesthoodQuorums.ChurchofJesusChrist.org ma le YoungWomen.ChurchofJesusChrist.org. O manatu mo auunaga ma gaoioiga o loo maua i le childrenandyouth.ChurchofJesusChrist.org ma, e amata atu i le 2020, i luga o le polokalama o le Gospel Living.

Atinaega Faaletagata Lava Ia

E seti e le autalavou ia sini ina ia tuputupu a'e ai i le faaleagaga, faaleagafesootai, faaletino, ma faaleatamai. E fesoasoani matua ma, pe a manaomia ai, o taitai i le autalavou ina ia iloa, fuafua, faatino, ma tomanatu i a latou sini filifilia faaletagata lava ia. Ua fautuaina le autalavou ina ia faama'ea le itiiti ifo ma le lua sini i vaega taitasi e fa i tausaga taitasi. Atonu e filifili le autalavou e faaoga le [*Atinaega Faaletagata Lava Ia: Tusitaiala a le Autalavou*](#) po o le polokalama Gospel Living e seti ma faamaumau ia sini.

O manatu mo sini o loo maua i totonu o le tusitaiala i le childrenandyouth.ChurchofJesusChrist.org, ma, e amata atu i le 2020, i luga o le polokalama o le Gospel Living.



I le amataga o le tausaga e atoa ai le latou 18 tausaga, o le a maua e alii talavou se fagu sua'u'u e mafai ona latou faaogaina pe a maea ona faauuina i latou i le Perisitua Mekisateko. O le a mauaina e tamaitai talavou se pine lea e mafai ona faaopoopo i le filifili o loo i ai le latou asoa a tamaitai talavou [medallion].

Ausiaga



I le aluga o le tausaga e atoa ai le 18 tausaga o se alii talavou po o se tamaitai talavou, e maua e ia (faatasi ai foi ma matua pe a manaomia) le avanoa e feiloai ai ma le epikopo e talanoaina lona alualu i luma. I lea tulaga, o le a tuuina atu ai e le epikopo se tusi faamaonia mai le Au Peresitene Sili ma le tioata [crystal] a Tamaiti ma le Autalavou, lea o loo i ai se ata o le Faaola. Na te tuuina atu nei faatusa o le ausiaga i le autalavou o loo agai i luma i le avefaa atili e pei o le Faaola e ala i le tauivi i le taimi nei e:

- Suesue tusitusiga paia ma tatalo i aso uma.
- Ia agavaa mo se pepa faataga e faatapulaa le faaogaina o le malumalu.
- Auai i sauniga o le Sapati, galuega a korama po o vasega, ma le seminare.
- Galue i sini i vaega taitasi o le tuputupu a'e.
- Auauna atu i isi i se auala taua faaletagata lava ia, lea e mafai ona aofia ai se galuega faatino.

E mafai ona maua e tagata fou liliu mai, o i latou e lē malolosi le auai i le [polokalama a] Tamaiti ma le Autalavou po o le Ekalesia, ma i latou e lē o ni tagata o le Ekalesia ia faatusa o le ausiaga i le tausaga e atoa ai le latou 18 tausaga pe afai o loo latou *taulai atu i le taimi nei* i mamanu o le avefaa ma so'o e pei ona otooto atu i luga.

I masina o le a oo mai, e mafai ona lolomiina le tusi faamaonia mai le lcr.ChurchofJesusChrist.org.

O Fesili e Fesiligia Soo

O loo i lalo ni tali i fesili atonu o loo i ai i tamaiti, autalavou, matua, taitai e uiga i lenei taumafaiga fou. Ae peitai, ona o lenei taumafaiga ua fuafuaina ina ia fetuunai i tagata taitoatasi, e tele fesili o le a taliina e ala i le sailia o musumusuga faaletagata lava ia.

Fesili Lautele

O le a le mea e tatau ona fuafuaina ai le taulaiga o auunaga ma gaoioiga?

O auunaga ma gaoioiga e tatau ona faapaleni i vaega e fa o le tuputupu a'e (faaleagaga, faaleagafesootai, faaletino, ma faaleatamai) ua fautuaina mai e le Luka 2:52 ma ia tuputupu a'e mai i manaoga ma mea e fiafia i ai tagata taitoatasi, aiga, korama, vasega, ma vaega o gaoioiga a le Peraimeri. E mafai ona latou faailoa atu i tamaiti ma le autalavou ni aafiaga fou, aoao atu ia i latou tomai o le olaga, ma fesoasoani ia latou faataunuu o latou tiute faaleperisitua ma tiutetauave o le feagaiga. I nofoaga e fesoasoani ai, e mafai e se gaoioiga i nisi taimi ona lagolagoina se sini a se tagata e toatasi, aiga, po o se vaega.

Pe tulitatao e matua ma taitai ia sini ua setiina e le autalavou ma tamaiti?

Leai. O matua, i le lagolagoina ai e taitai pe a manaomia, e mafai ona fesili atu i tamaiti ma le autalavou po o a mea o latou galulue ai ma pe mafai faapefea ona latou fesoasoani, ae e le nafa tagata matutua ma le tulitataoina o le alualu i luma. Atonu e mananao tamaiti ma le autalavou e tausia le lē faalauaiteina o nisi o sini. E mafai e tamaiti ma le autalavou ona faaoga la latou tusitaila, le polokalama o le Gospel Living, po o se isi auala e sili ona aoga mo i latou e seti ai ia sini ma tomanatu ai pe faamaumau le alualu i luma. Atonu e manaomia e tamaiti le fesoasoani i le faamaumauina ma le manatuina o sini. E masani ona tuuina atu e matua lea fesoasoani.

E faaauau pea faatalanoaga a le autalavou?

Ioe. E faatalanoa e le epikopo le autalavou faaletausaga e amata atu i le tausaga e atoa ai lo latou 12 tausaga. E masani ona faatalanoa e le epikopo (e amata atu i le tausaga e atoa ai le 16 o le autalavou) po o se tasi o ona fesoasoani (mo autalavou laiti) le autalavou i le ono masina mulimuli ane. (Tagai i le *Tusitaulima 1*, 7.1.7.) E le gata i lea, e mafai e le peresitene o Tamaitai Talavou ona faataunuuina se matafaioi sili atu i le faufautua i tamaitai talavou e faatatau i mataupu lea e lē manaomia ai se faamasinoga masani ma e lē o aofia ai le sauaina. I le taimi o nei faatalanoaga, e aoao atu e taitai matutua le autalavou e uiga i le aveai ai ma soo o le Faaola. Atonu latou te fautuaina le autalavou i a latou sini ma ofo atu soo se fesoasoani e manaomia.

O le a le Gospel Living app?

O le polokalama o le Gospel Living, ua mamauina mo le autalavou ma tagata matutua, ma o loo maua e amata atu i le 2020, e i ai meafaigaluega mo le setiina o sini, faia o fuafuaga, tulitataoina o le alualu i luma, ma le faamaumauina o manatu ma lagona. E le gata i lea, ua tuuina mai e le polokalama ni tusiga musuia, manatu mo gaoioiga ma sini, ma feau ma faasoa atu i tagata o le aiga, korama, ma vasega. E le manaomia le polokalama mo le auai ai i Tamaiti ma le Autalavou, ma e lē faatapulaa ia i latou o ē auai i Tamaiti ma le Autalavou.

Fesili e Faatotonugalemu i le Aiga

E faapefea ona ou fesoasoani i la’u tamaitiiti po o le autalavou ina ia amata i le atinaega faaletagata lava ia?

E mafai e matua ona fesoasoani i se tamaitiiti po o se talavou e faailoa mai pe faapefea ona ia tuputupu a’e. Atonu latou te amata i le talanoa e uiga i auala e saili ai ma maua faaaliga ma tatalo faatasi mo le taitaiga. O punaoa o loo i tusitala ma le polokalama o le Gospel Living e mafai ona fesoasoani e faailoa mai manaoga ma mea e fiafia ai. Mo nisi faamatalaga, tagai i le [*Tamaiti ma le Autalavou: O Se Taiala Tomua mo Matua ma Taitai.*](#)

Ae faapefea pe a le fiafia la’u tama po o le iloina e faigata tele se sini pe e lē fetui lelei?

Afai e iloina e tamaiti ma le autalavou e le manaia se sini, faigata tele, pe e lē fetui lelei, o ni isi taimi o le auala sa’o o le taumafai pea. O nisi taimi o le a talafeagai mo le tamaitiiti po o le autalavou le fetuunai o se sini pe filifili se mea e sui ai. E sili ona taua le punoua’i atoa i le mulimuli i le faataitaiga a le Faaola o le tuputupu a’e nai lo le faataunuaina o ni sini faapitoa.

O le a la’u mea e fai pe a faama’eaina e lo’u atalii po o le afafine se sini?

E mafai e matua ona fesoasoani i lo latou atalii po o le afafine ina ia patipatia le tuputupu a’e ma tomanatu ma faamaumau ona manatu e ala i le taliina o fesili e pei o fesili nei: Na faapefea ona ou tuputupu a’e? Na faapefea ona fesoasoani la’u sini ia ou latalata atili ai i le Faaola? E mafai e matua ona fautuaina tamaiti ma le autalavou ina ia filifili pe faapefea ona latou faaaogaina mea ua latou aoaoina e fesoasoani atu ai i isi.

E taliaina le faia o ni sini faaleaiga e faaopoopo i sini faaletagata lava ia na setiina e tamaiti ma le autalavou?

Ioe. Atonu e fesoasoani matua i a latou tamaiti ma le autalavou ina ia filifili ni sini e tusa ma manaoga a o latou aiga.

Pe tatau ea i tamaiti po o le autalavou ona faasoa atu i taimi uma ia sini i o latou matua po o taitai?

Leai. O nisi o sini e lē faalauaitelaina. E mafai e tagata matutua ona faatino lo latou naunautai e fesoasoani a o faataga le tamaitiiti po o le autalavou e tausia nisi o sini i le va o ia ma le Alii.

E mafai e tagata matutua ma tamaiti laiti ona auai i le Tamaiti ma le Autalavou?

E mafai ona auai o ni tagata taitoatasi ma o ni aiga, tagata matutua ma tamaiti laiti ma faaaoga punaoa mo le aoaoina o le talalelei, auunaga ma gaoioiga, ma le atinaega faaletagata lava ia i le aiga. E masani lava o le a le auai tagata matutua ma tamaiti laiti i gaoioiga e lagolagoina e le Ekalesia e faatatau i Tamaiti ma le Autalavou ma o le a lē mauaina ni faatusa o Tamaiti ma le Autalavou.

Fesili e Lagolagoina e le Ekalesia

O nisi o tamaiti ma le autalavou o ē e le o ni tagata o le Ekalesia e auai i a tatou gaoioiga. E mafai ona latou auai i le taumafaiga a Tamaiti ma le Autalavou?

Ioe. E tatau i tamaiti ma le autalavou ona valaaulia a latou uo e auai i le aoaoina o le talalelei, auaunaga ma gaoioiga, ma le atinaega faaletagata lava ia. Ma o taitai—e aofia ai au peresitene o korama ma vasega a le autalavou—e tatau ona galulue vavalalata ma matua o tamaiti nei ma le autalavou ina ia fesoasoani ia latou malamalama i le taumafaiga ma fuafua le auala latou te mananao ai ina ia auai ma a latou fanau.

E taliaina le faia o ni sini faalekorama, faalevasega, pe faalevaega e faaopoopo i sini faaletagata lava ia na setiina e tamaiti ma le autalavou?

Ioe. E mafai e tamaiti ma le autalavou, i le galulue ai ma o latou taitai, ona filifili ni sini e tusa ma manaoga a o latou korama po o vasega.

E tatau ona faia se fonotaga faaletausaga?

E mafai e epikopo ona faia se fonotaga faaletausaga mo le autalavou ma o latou matua e latalata i le amataga o tausaga taitasi. E mafai ona faia i se tulaga faaleuaroa pe faalesiteki ma e mafai ona faia ‘ese’ese mo alii talavou ma tamaitai talavou po o le fai faatasi. E tatau ona fuafuaina ma taitaia e fesoasoani i le epikopo i le korama a ositaulaga ma le au peresitene o le vasega matutua a Tamaitai Talavou. O autalavou e atoa le tai 12 tausaga i le aluga o le tausaga e mafai ona mauaina faatusa i le taimi o lenei fonotaga.

E le o se mea e manaomia le faia o se fono faaletausaga mo tamaiti. E mafai e epikopo ona asia le vasega o le Peraimeri a tamaiti o le a atoa le tai valu tausaga i le aluga o le tausaga.

O a fetuunaiga i valaauga o loo manaomiaina?

I le avea ma se fesoasoani i matua, o le Tamaiti ma le Autalavou o le a lagolagoina i le lotu e le au peresitene o le Peraimeri (mo tamaiti) ma e le au epikopo ma le au peresitene o Tamaitai Talavou (mo le autalavou). O nei taitai o le a fesoasoani i ai au peresitene o korama ma vasega ma tagata matutua ua valaauina o ni faufautua o le korama ma vasega ma tagata tomai faapitoa (mo nisi faamatalaga e uiga i matafaioi a faufautua ma tagata tomai faapitoa, tagai i le *Tusitaulima* 2, 8.3.4; 8.3.6; 10.3.4; ma le 10.3.7). E mafai ona valaauina taitai o gaoioiga a le Peraimeri.

Faatasi ai ma le faalauiloina atu o Tamaiti ma le Autalavou, ma ia ogatusa ma fetuunaiga na fofogaina i le konafesi aoao ia Oketopa 2019, o valaauga nei o le a faamutaina i le aso 1 o Ianuari, 2020. O taitai nei e tatau ona faamaloloina i le aso po o luma mai o le aso 1 o Ianuari faatasi ai ma le agaga faafetai mo lo latou auaunaga:

- Mai le Peraimeri: taitai o Aso o Gaoioiga a le Peraimeri, taitai fesoasoani o Aso o Gaoioiga a le Peraimeri (e mafai ona valaauina taitai nei e avea ma ni taitai o gaoioiga a le Peraimeri).
- Mai Tamaitai Talavou: faufautua o le Ofagapi, Maea Meite, ma le Lora (e mafai ona valaauina taitai nei e avea ma ni faufautua po o tagata tomai faapitoa pe a manaomia e lagolago vasega fou a Tamaitai Talavou); taitai o le Alualu i Luma o le Tagata Lava Ia.

Tamaiti ma le Autalavou—Vaaiga Aoao ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

- Mai korama o le Perisitua Arona: Peresitene o Alii Talavou a le Uarota, fesoasoani, failautusi, ma faufautua fesoasoani (e mafai ona valaauina taitai nei e avea ma ni faufautua o korama a le Perisitua Arona po o tagata tomai faapitoa).
- Mai le Sikauti (i nofoaga e faatatau i ai): taitai faapitoa BSA, sui o le komiti a le Sikauti, taitai o le komiti a le Sikauti, sui o le komiti a le Sikauti, fesoasoani o le taitai Sikauti, taitai Sikauti 11 tausaga, taitai komiti a le Sikauti laiti, fesoasoani o taitai o den, fesoasoani o taitai o den (o nisi o taitai nei e mafai ona valaauina e avea ma faufautua o korama po o tagata tomai faapitoa po o ni taitai gaoioiga a le Peraimeri).

Fesili mo le Peraimeri

E manaomia e tamaiti ona taulotoina le Mataupu Faavae o le Faatuatua o se vaega o Tamaiti ma le Autalavou?

O le taulotoina o le Mataupu Faavae o le Faatuatua ua fautuaina ae e lē o se tulaga e manaomia.

E tatau ea i tamaiti uma ona mauaina se mama o le [polokalama a] Tamaiti ma le Autalavou i le 2020?

O tamaiti uma e atoa le 8 tausaga i le 11 tausaga i le aluga o le 2020 e tatau ona mauaina le mama fou o le [polokalama a] Tamaiti ma le Autalavou i le 2020. O tausaga taitasi e sosoo ai, e maua e tamaiti a latou mama i le amataga o le tausaga e atoa i ai le latou 8 tausaga po o le pe a latou ulufale mai i le polokalama.

O mama FMT lanu meamata o i ai nei o le a tumau pea o se vaega o le Peraimeri. A amata e tamaiti le vasega FMT 4, o le a tuuina atu e le au peresitene o le Peraimeri po o o latou faiaoga o le Peraimeri ia i latou se mama FMT lanu meamata.

Pe tatau ea ona tatou faia pea le fonotaga o le Sauniuniga mo le Malumalu ma le Perisitua?

Ioe. I lalo o le taitaiga a le au epikopo, e faia ai e le au peresitene o le Peraimeri le fonotaga o le Sauniuniga mo le Malumalu ma le Perisitua mo teineiti ma tama i le vasega Valiana 10 a o le'i oo ia Ianuari lea latou te siitia atu ai i luga i vasega a Tamaitai Talavou ma korama o le Perisitua Arona. Mo nisi faamatalaga, tagai i le *Tusitaulima* 2, 11.5.5.

Fesili mo Tamaitai Talavou

Mo faamatalaga faaopoopo e uiga i suiga o faalapopotoga na fofogaina mai mo Tamaitai Talavou, tagai i le YoungWomen.ChurchofJesusChrist.org ma le Tusitaulima 2, mataupu 10.

Pe tatou te taulotoina le autu a Tamaitai Talavou?

Ioe. E amata e Tamaitai Talavou a latou sauniga o le Aso Sa a Tamaitai Talavou i le taulotoina o le autu fou, lea na fofogaina mai talu ai nei i le konafesi aoao ma o loo maua i le YoungWomen.ChurchofJesusChrist.org.

Tamaiti ma le Autalavou—Vaaiga Aoao ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

Pe o le a i ai pea a tatou tulaga faatauaina a Tamaitai Talavou, mau tauave, tagavai o le sulu, Amataga Fou, ma Tamaitai Talavou i le Tulaga Aupito Sili?

Leai. E amata atu i le aso 1 o Ianuari, 2020, o nei vaega o le polokalama a Tamaitai Talavou o le a suia e le taumafaiga a Tamaiti ma le Autalavou. O le a suia uma le Amataga Fou ma le Tamaitai Talavou i le Tulaga Aupito Sili e se fonotaga faaletausaga a Tamaiti ma le Autalavou e faia mo le autalavou.

Pe tatou te faia pea tolauapiga i tausaga uma?

Ioe. Mo nisi faamatalaga, tagai i le [*Taiala mo Tolauapiga a Tamaitai Talavou*](#).

O a ni mataupu faavae tatou te mulimulita'ia i le faatulagaina o vasega a Tamaitai Talavou?

I lalo o le taitaiga a le epikopo, e saili ai e le au peresitene o Tamaitai Talavou le musumusuga a o latou faatulagaina vasega e tusa ma mataupu faavae nei:

- E faatulagaina vasega i vaega o vaitausaga, ma e siitia atu i luga tamaitai talavou i le va o vasega ia Ianuari o le tausaga e atoa ai lo latou tausaga o leisi vasega. O vaega o vaitausaga, o tamaitai talavou uma ia o le a atoa se tausaga i le aluga o le tausaga faalekalena.
- O le toatele o le vasega e fuafuaina ina ia tuuina atu le mea silisili i avanoa faaletaitai mo tamaitai talavou. O se peresitene, o fesoasoani e toalua, ma se failautusi e tataua ona valaauina mo vasega taitasi. O le mea e lelei ai, e aofia ai foi i vasega ia tamaitai talavou e mafai ona auauna i ai le au peresitene.

Mo faamatalaga faaopoopo, tagai i le *Tusitaulima* 2, mataupu 10, ma le faaaliga i le aso 5 o Oketopa, 2019.

Fesili mo korama a le Perisitua Arona

*Mo faamatalaga faaopoopo e uiga i suiga o faalapopotoga na fofogaina mai mo korama a le Perisitua Arona, tagai i le [*Aaronic Priesthood Quorums.Church of Jesus Christ.org*](#) ma le *Tusitaulima* 2, mataupu 8.*

Pe tatou te taulotoina le autu o le korama a le Perisitua Arona?

Ua fautuaina alii talavou ina ia amata a latou sauniga o korama i le Aso Sa i le taulotoina o le autu fou o le korama a le Perisitua Arona, lea e faitauina:

“O a’u o se atalii faapelepele o le Atua, ma ua i ai ia te Ia se galuega mo a’u e fai.

“Faatasi ai ma lo’u loto atoa, manatu, mafaufau, ma le malosi atoa, o le a ou alofa i le Atua, tausi a’u feagaiga, ma faaaoga Lana perisitua e auauna atu ai i isi, e amata i lo’u lava aiga.

“A o ou tauivi e auauna atu, faatino le faatuatua, salamo, ma faaleleia i aso taitasi, o le a ou agavaa ia maua faamanuiaga o le malumalu ma le olioli tumau o le talalelei.

“O le a ou saunia ia avea ma se faifeautalai filiga, se tane faamaoni, ma se tamā alofa e ala i le avea ai ma se soo moni o Iesu Keriso.

“O le a ou fesoasoani e saunia le lalolagi mo le toe afio mai o le Faaola e ala i le valaauliaina o tagata uma ia o mai ia Keriso ma maua faamanuiaga o Lana Togiola.”

Pe tatou te faia ea tolauapiga mo korama a le Perisitua Arona i tausaga uma?

Ioe. Mo nisi faamatalaga, tagai i le [*Taiala mo Tolauapiga a Korama a le Perisitua Arona*](#).

Fesili e uiga i le aloaiaina, faatusa, ma ata

E faapefea e iunite ona oka ma maua ia faatusa e amata ai le taumafaiga a Tamaiti ma le Autalavou?

O le a auina atu se fomu i iunite i le faaiuga o le 2019. .

E tatau i au peresitene o Peraimeri, au peresitene o Tamaitai Talavou, ma faufautua o korama a le Perisitua Arona ona aoina mai mo le aofaiga faafailautusi a le uarota po o le paranesi ma le tetelē e manaomia mo tamaiti ma le autalavou e atoa le 8–18 i le 2020. E tatau i failautusi ona okaina i le store.ChurchofJesusChrist.org/childrenandyouth pe e ala atu ia latou faletusi. O tau mo le tioata a Tamaiti ma le Autalavou o le a piliina i iunite. Mo le 2020, o isi uma faatusa o le a totogiina e le Ekalesia. I le 2021 ma tua atu, o le a okaina e iunite faatusa ma anomea e manaomiaina e ala i le faagasologa masani o le okaina o mataupu aoaoina. O le a totogiina e tupe a le iunite i le lotoifale.

E mafai faapefea ona faaaogaina le mau tauave, ata e fesootai i ai, ma autu a Tamaiti ma le Autalavou?

O le mau tauave ma isi elemene faaletino a Tamaiti ma le Autalavou o le a maua i le 2020. E mafai ona faaaogaina i latou mo tulaga faaletagata lava ia, ae e lē faapisinisi. E mafai e tagata taitoatasi ma aiga ona faaaogaina le mau tauave ma ata i totonu o ō latou aiga e lagolago ai le polokalama a Tamaiti ma le Autalavou. E mafai ona faaaoga e siteki, uarota, ma paranesi le mau tauave ma ata mo gaoioiga ma faamoemoega a le Ekalesia. Ina ia talosagaina le faatagana e faaaoga le mau tauave ma ata i isi nofoaga, asiasi i le permissions.ChurchofJesusChrist.org.

E mafai e autalavou ma taitai ona faaaoga le autu a le Perisitua Arona ma le autu a Tamaitai Talavou mo faamoemoega patino pe faale Ekalesia. E le faatagaina le faaaogaina faapisinisi o autu.

E mafai e iunite i le lotoifale ona fatu a latou lava tulaga e manaomia ma tauai mo Tamaiti ma le Autalavou?

Leai. E le tatau i siteki, uarota, ma paranesi ona faatulagaina tulaga manaomia mo tamaiti ma le autalavou ina ia maua ai ni tauai i le lotoifale.

O le a le vave e mafai ona maua ai e le autalavou faatusa o ausiaga?

O faatusa o ausiaga o se faamanatuina auauai o se atinaega faaletagata lava ia e ala i le [polokalama a] Tamaiti ma le Autalavou. O le mea e lelei ai, e maua e le autalavou nei faatusa pe a latou faauu mai aoga tulagalua, a o latou saunia ina ia maua le Perisitua Mekisateko po o le ulufale atu i le Aualofa, pe ae latou te lei siitia ese mai le aiga, po o le pe afai e tupu muamua lena mea a o le'i atoa le 18 tausaga.

Tamaiti ma le Autalavou—Vaaiga Aoa ma Fesili e Fesiligia Soo

Auina atu faatasi ma le faaaliga i le aso 17 o Novema, 2019.

Mo nisi faamatalaga

- 15 Iulai, 2019, faaaliga—[Faafouga mo Tamaiti ma le Autalavou](#)
- 19 Iulai, 2019, faaaliga – [Konafesi Mo le Malosi o le Autalavou \(MMA\) i le Iunaite Setete ma Kanata](#)
- 1 Aokuso, 2019, faaaliga—[Autu a le Autalavou mo le 2020](#)
- 12 Setema, 2019, faaaliga—[Faamatalaga Faaopoopo e uiga i Konafesi Mo le Malosi o le Autalavou \(MMA\) i le Iunaite Setete ma Kanata](#)
- 29 Setema, 2019—[Tamaiti ma le Autalavou: O Se Faasalalauga Faapitoa Faatasi ai ma Peresitene M. Russell Ballard](#)
- 5 Oketopa, 2019, tusi a le Au Peresitene Sili—[Faamalosia o Korama a le Perisitua Arona ma Vasega a Tamaitai Talavou](#)
- 17 Novema, 2019—[Tamaiti ma le Autalavou: O Se Talanoaga Faafesagai ma Elder Gerrit W. Gong](#)
- [Tamaiti ma le Autalavou: O Se Taiala Tomua mo Matua ma Taitai](#)
- [ChildrenandYouth.ChurchofJesusChrist.org](#)